

Indra Stamper:

Fundacion Pa Nos Comunidad lo bay cuminsa honra Dia Mundial di Alimento tur aña

ORANJESTAD – Awe ta Dia Mundial di Alimento (World Food Day). Esaki ta wordo celebra tur aña rond di mundo riba e fecha di awe, dia 16 di October, na honor di e fecha di e fundacion di e Organizacion di Alimento y Agricultura di Nacionnan Uni na 1945. E dia aki ta wordo celebra ampliamente dor di hopi organisacion concerni cu siguridat di cuminda, incluyendo “World Food Programme”. Fundacion Pa Nos Muchanan tambe ta observa e dia aki y nan tambe kier cuminsa honra e dia aki, ya cu nan ta brinda un siguridat alimenticio na famianan na Aruba.

E TEMA

E tema pa Dia Mundial di Alimento pa e aña aki ta “Sistemanan di Alimentonnan sostenibel pa siguridat di alimento y nutricion.”

Dia Mundial di Alimento a keda estableci pa paisnan miembro di e Organizacion di Alimento y Agricultura durante e di 20 conferencia general di Nacionnan Uni na november 1945. E delegacion Hungaro, guia pa e ex minister di agricultura y alimento di Hungria, dr. Pal Romany, a hunga un papel activo den e di 20 sesion di e Conferencia y a sugeri e idea pa celebra e dia aki mundialmente. Desde e tempo ey ta observa tur aña den mas cu 150 pais, conscientisando riba asuntunan tras di pobresa y hamber.

Desde 1981, Dia Mundial di Alimento a adopta diferente tema cada aña, den e orden pa enfoca riba areanan den necesidad pa accion y provee un enfoque comun.

Mayoria di e temanan aki ta draai rond di agricultura pasobra solamente inversion den agricultura, hunto cu sosten pa educacion y salubridad, lo causa un diferencia. Inversion lo tin cu bin for di sector priva, hunto cu inversion publico, hungando un papel crucial, specialmente den e bista di su efecto facilitado y estimulante riba inversion priva.

Aunke di e importancia di



agricultura, e ta un farsa andante den economia di hopi pais den desaroyo, e sector vital aki frecuentemente falta di inversion. En particular ayudo di afo na agricultura a muestra bahada den e ultimo 20 añanan.

IMPORTANCIA

Segun directora di Fundacion Pa Nos Comunidad, Sra. Indra Stamper, ta importante pa conscientisa e pueblo di Aruba cu na aki ta existi famianan cu no tin suficiente cuminda y riba un dia asina cu ta Dia di Alimento, e ora ey e fundacion por conscientisa e personanan na Aruba riba e problematica aki.

REPARTIENDO

CUMINDA

Fundacion pa nos comunidad ainda ta repartiendo cuminda. Esey ta nan trabao principal, segun Stamper. Nan ta keda mira cu e cantidad di persona, famianan cu tin mester di cuminda, ta keda mas o menos mesun cos. E fundacion ta mira cu desde e fundacion a cuminsa cu ta 4 aña pasa October, nan a yega caba na un cantidad di mas di 1500 famia cu a wordo yuda cu alimento. Banda di dje hopi di nan a haya paña, mueble of articulonnan di cas y esey ta bastante famia den un temporada asina cortico. Ta mas di 400 persona ta papiando di dje aki cu danki na esnan cu a yuda fundacion pa nos comunidad cu fondo, nan por a duna e famianan aki cuminda. E fundacion ta yuda mas of menos 200 famia pa luna y

tambe a yega di duna te cu 330 famia den un luna, cu por cierto tabata october di aña pasa. E ta keda flota. E aña aki no a brinda mesun hopi, di cual Stamper ta kere cu lo tabata tin mester. E fundacion mes tabata un tiki den preta pa loket a fondo. E fundacion ta keda wak pa crea mas fondo posibel. Nan ta brainstorm di ki forma y con.

FONDONAN

Stamper ta combersa cu diferente compania, diferente persona cu ta experto den diferente area di negoshi, di mercadeo, pa asina mira kico por trece pa logra crea fondonan structural pa fundacion pa nos comunidad, moda cu nan por keda brinda e asistencia di cuminda, pasobra e pakete tambe cu nan ta brinda, no ta suficiente, ya cu nan ta combersando riba World Food Day, ta importante pa menciona cu fundacion pa nos comunidad tin un responsabilidad di cria famia, segun Indra Stamper.

BRINDA PAKETENAN PA DURA MAS

Segun Indra Stamper, e fundacion kier purba di cria e famianan den e miho forma posibel. Nan kier purba di brinda nan un pakete cu ta dura tambe largo, pero cu no ta caba den un siman of algo asina. Nan ta purba di duna no hopi cosnan di bleki, sino berduranan fresco. E fundacion kier purba di duna suficiente aros por ehempel, pa e por rende henter e luna largo. Ta duna articulo di higiena tambe, pero esey ta algo apart.

MEHORACION DI PAKETE

Pa loke ta cuminda mes, e fundacion kier purba di mehora e pakete, brindando mas fruta, brindando otro tipo mas di producto pa asina por duna nan un pakete mas nutritivo posibel pasobra na final di dia esey ta un cos tambe cu e Dia



Mundial di Alimento rond mundo ta celebra, cu e ta un parti esencial di bida mes.

AGRICULTURA LOCAL

Stamper a lesa riba diferente articulo cu a wordo skirbi hopi di nan ta relata riba agricultura, pobresa, inseguridad di alimento cu ta reina na diferente pais. Na Aruba no ta diferente tampoco, segun Stamper. Ta spera tambe cu den futuro nan por traha mas cu e cumukeronan cu ta planta na Aruba. Aruba tin, nos tera ta fertil suficiente pa por produci diferente producto, berdura, fruta y tambe bonchi largo por ehempel. Tin diferente cos cu por wordo produci na Aruba y no tin nada mas miho pa haya cuminda cu por ta organico y cultivar na bo mesun pais, Stamper a enfatisa.

Riba un dia manera Dia Mundial di Alimento ta interesante pa menciona cu si abo, como ciudadano, tin e forma pa yuda un famia come, haci e den e forma cu bo por. Si bo por yuda cu un saco di aros, bo ta contribuyendo na e causa. Dia Mundial di Alimento ta pa conscientisa personanan cu cuminda ta un aspecto hopi importante di nos bida. Sin cuminda nos no por biba mucho largo, segun Stamper.

AYUDO DURANTE TEMPORADA DI PASCO

Fundacion pa nos comunidad no tin nada en principio prepara pa e temporada di Pasco, segun Indra Stamper. Si por bisa cu e fundacion tin expe-

riencia cu durante temporada di Pasco semper tin organisacion y companianan cu kier duna algo bek na comunidad, ta prepara un pakete di Pasco, nan ta pidi e fundacion pa un lista di e famianan cu nan ta yuda, pa asina nan por haya un macutu di durante e temporada di Pasco. E fundacion mes no tin e fondonan necesario pa por brinda, ademas di e pakete regular mensual, un pakete di Pasco tambe.

aña pasa e fundacion tabata tin e suerte di por a haya diferente kerstboom di Kerstboomlandia y nan a parti rond. E cara di e famianan, e muchanan en particular, ora e truck ta yega cu e kerstboom tabata fabuloso. No ta duda cu e aña aki tambe lo bay haya sorpresanan cu companianan cu kier yuda Fundacion Pa Nos Comunidad.

CAMINATA

Fundacion Pa Nos Comunidad tin planea un caminata, pa asina pa recauda fondo y tambe conscientisa Aruba di e fundacion y su trabao cu e ta haci pa comunidad y tambe e problematica di inseguridad alimenticio. Esaki lo tuma luga dia 7 di december y ta spera e ora ey cu full Aruba por bin y demostra cu nan ta cana contra hamber. Esaki ta pas cu e dia di Dia Mundial di Alimento pa conscientisa personanan riba di alimento y con importante e ta y si por yuda un famia cu no tin suficiente, pa haci esaki via di e fundacion. □



WORLD FOOD DAY - OCT 16